

*BASKEPENSIONES BGAE INDIBIDUALAREN
BASKEPENSIONES EURIBOR UZTAILA 2025 GIZARTE
AURREIKUSPENEKO PLAN INDIBIDUALAREN ARAUDIA*

BASKEPENSIONES EURIBOR UZTAILA 2025 GIZARTE AURREIKUSPENEKO PLAN
INDIBIDUALAREN ARAUDIA

I. TITULUA
XEDAPEN OROKORRAK

1. art. PLANAREN IZENA

Prestazioen araudi honen bidez (“Araudia”), Baskepensiones Euribor Uztaila 2025 Gizarte Aurreikuspeneko Plan Indibiduala (“Plana”) integratzen da BASKEPENSIONES BGAE INDIBIDUALA erakundearen barnean (“BGAE” edo “Erakundea”).

2. art. ARAUDIAREN HELBURUA

BASKEPENSIONES BGAE INDIBIDUALA erakundeari atxikita dagoen Baskepensiones Euribor Uztaila 2025 Gizarte Aurreikuspeneko Plan Indibidualaren araudiak arautu egiten ditu erakundearen eta planeko bazkide eta onuradunen arteko harremanak, baita haien eskubideak eta betebeharrak ere.

3. art. PLANAREN MODALITATEA

BASKEPENSIONES BGAE INDIBIDUALean integratutako plana, hari atxikitakoen edo bazkideen artean dagoen harremana dela-eta, **sistema indibiduala** modalitatean dago, eta hitzartutako ekarpenen eta prestazioen arabera, **zehaztutako** ekarpenak dituen plan gisa definitzen da.

4. art. PLANAREN HASIERA DATA ETA IRAUPENA

Plana Erakundean integratutzat hartzen da, Eusko Jaurlaritzako agintari eskumendunak emandako baimena jaso, eta Euskadiko Borondatezko Gizarte Aurreikuspeneko Erakundearen Erregistroan inskribatua izan ondoren.

Era berean, Plana mugagabeki eratzen da, eta iraupen mugagabea izango du, beraz.

II. TITULUA
BAZKIDEAK ETA ONURADUNAK

I. KAPITULUA
MOTAK ETA EZAUGARRIAK

5. art. BAZKIDE ETA ONURADUN MOTAK ETA HORIEN EZAUGARRIAK

BGAE araudian eta Erakundearen estatutueta jasotakoarekin bat etorritik, bazkide-mota hauek izan daitezke:

A.- Bazkide Sustatzailea

Kutxabank SA da bazkide sustatzailea, eta borondate eratzailuz eta hasierako ekarpenak eginez parte hartu du borondatezko Gizarte Aurreikuspeneko erakunde baten sorreran. Gainera, Erakundearen gobernu-organoetan parte hartzen du, haren estatutuek ezarritako moduan, indarrean dagoen araudiaren arabera.

Kutxabank SAk Bilbon (Bizkaia) du egoitza, Diego López Haroko kale nagusiko 30-32 zenbakietan, eta inskribatuta dago Bizkaiko Merkataritza Erregistroan (5.226. liburukia, 1. folioa eta BI-58.729 orria). A-95.653.077 IFK zenbakia du (“**Bazkide sustatzailea**”).

B.- Bazkide arruntak

Bazkide arruntak edo osoak pertsona fisikoak dira, prestazioren bat lor dezaketenak, beraientzat edo beren onuradunentzat, uanean-unean indarrean dagoen arautegiaren arabera (“**Bazkide arruntak**”).

Hainbat modalitate daude bazkide arrunten artean:

- Bazkide arrunt aktiboak: beraientzat edo beren onuradunentzat prestazioren bat jasotzeko eskubidea duten pertsonak, beraiek edo hirugarrenek beren izenean eginiko ekarpen ekonomikoen bitartez (“**Bazkide arrunt aktiboak**”).
- Etenaldian dauden bazkide arruntak: bazkide aktiboak izan direnak baina hiru ekitaldi ekonomikotan ekarpenik egin ez dutenak, ez beren kabuz ezta hirugarrenek beren izenean ere (“**Etenaldian dauden bazkide arruntak**”).
- Bazkide arrunt pasiboak: bazkide aktiboak izan direnak eta prestazioaren zuzeneko titularrak izatera igaro direnak, subjektu babestu gisa, gertakizuna jazo ondoren (“**Bazkide arrunt pasiboak**”).

Gainera, Erakundeak onuradunak ere izan ditzake. Onuradunak pertsona fisikoak dira, kausatzailearekin duten harremanetatik prestazioaren titular bihurtzen direnak gertakizuna jazo ondoren (“**Onuradunak**”).

Onuradunen berriazko izendapenik ezean, atxikipen-buletinean edo onuradunen izendapena egiazta lezakeen ondorengo dokumentu batean (zuzenbidean baliozkotzat hartzen dena), honako hauek izango dira onuradunak, lehentasun-hurrenkeran adieraziak:

- Legez banandu gabeko ezkontidea edo behar bezala eraturako izatezko bikotekidea.
- Leinuzko ondorengoak.
- Aurreko ahaideak.
- Legezko oinordekoak.

II. KAPITULUA

SARTZEKO, KIDE IZATEKO ETA BAJA EMATEKO ARAUBIDEA

6. art. PLANARI ATXIKITZEA

Bazkide arrunta izateko, banaka eskatu behar da, eta Gobernu Batzordeak erabakitako gutxieneko kopuruak jarri. Bazkide izateak esan nahi du onartu egiten direla Araudi honetako xedapen guztiak.

Planari atxikitzea Bazkide Arruntaren banakako eskaeraren bidez egingo da, eta eskaera horretan jasoko dira Gobernu Batzordeak ezar ditzakeen zehaztapenak. Atxikitze hori Kutxabank SAren bulegoetan egin ahal izango da, edo beste komunikazio-prozeduraren bat erabilita, edota Gobernu Batzordeak ezarritako beste edozein moduren bitartez.

7. art. BAZKIDE ARRUNTEN ETA ONURADUNEN BAJA

Erakundearen estatutuetan adierazitako arrazoiez gainera, honako arrazoi hauengatik emango zaie baja Bazkide Arruntari eta Onuradunari:

- Heriotza.
- Eskubide ekonomikoak osoki erabiltzeagatik, legez eta arauz ezarritako modu eta baldintzetan.

III. KAPITULUA

ESKUBIDEAK ETA BETEBEHARRAK

8. art. BAZKIDE ARRUNTEN ETA ONURADUNEN ESKUBIDEAK ETA BETEBEHARRAK

BASKEPENSIONES BGAE INDIBIDUALAren Estatutueta aurreikusitakoak izango dira, honako espezifikazio hauekin:

8.1 Eskubide ekonomikoen mobilizazioa

Bazkide Arruntek eta Onuradunek Baskepensiones Euribor Uztaila 2025 Gizarte Aurreikuspen Plan Indibidualean dituzten eskubide ekonomikoak mobilizatu ahal izango dituzte, osoki edo partzialki, BASKEPENSIONES BGAE INDIBIDUALeko beste plan batzuetara. Plan bermatuetara eginiko mobilizazioetan, bere garaian dagokion plan bermatuarentzat zehaztu ziren arauak beteko dira, ahal den neurrian. Helburu horri begira, Gobernu Batzordeari jakinaraziko zaio asmo horren berri, eskubide hori betetzeko beharrezko neurriak har ditzan, legeak ezartzen duen epean, jakinarazpen horren egunetik kontatzen hasita.

Baskepensiones Euribor Uztaila 2025 Gizarte Aurreikuspeneko Plan Indibidualeko Bazkide Arrunten eta Onuradunen eskubide ekonomikoak beste BGAE batera mobilizatzeko eskaera idatziz helaraziko zaio Gobernu Batzordeari, eta unean-unean indarrean dagoen arautegira egokituko da. Gobernu Batzordeak mobilizazio-eskera egikaritutako du, legeak ezarritako epean.

8.2 Eskubide ekonomikoak aurretiaz erabiltzea (berreskurapen eskubidea)

Baskepensiones Euribor Uztaila 2025 Gizarte Aurreikuspeneko Plan Indibidualeko bazkideek beren eskubide ekonomikoak berreskuratu ahal izango dituzte beren borondatez, aplikagarria den arautegiaren arabera. Berreskurapenen ordainketa egiteko, sarrera bat egingo da bazkidearen titulartasuneko banku-kontuan.

8.3 Aldian behingo informazioa

Estatutuen eta aplikagarria den arautegiaren aginduz bazkide arruntei eta onuradunei eman behar zaien informazioa eta dokumentazioa gorabehera, honako hau da aipatutakoek aldi behin jasotzeko behar duten gutxienezko informazioa:

1. Eginiko edo jasotako ekarpen eta/edo prestazioen urteko ziurtapena, baita jasandako atxikipenena ere, hala badagokio.
2. Aldi bakoitzean eginiko ekarpenen (zuzenekoak edo egotziak) seihilekoko ziurtapena, eskubide ekonomikoen balioa aldi amaitzean (eskubiderik balego), eta aldi bakoitzeko prestazioen zenbatekoa. Gainera, kudeaketa-txosten laburtu bat ere jasoko da, bazkideekin harreman telematiko bat dagoenean izan ezik. Arautegi aplikagarrian ezartzen den informazioa laburbilduko du kudeaketa-txosten laburtuak.

Indarrean dagoen arautegiak zehazten duen informazioa baliabide telematikoen bidez jarriko da bazkide arrunten eta onuradunen esku, norberak dokumentu idatzian jaso nahi duela adierazten duenean izan ezik. Gainera, nahi izanez gero, Kutxabank SAn edozein bulegotan edo BGAEren egoitzan ere eskatu ahal izango da.

III. TITULUA

EKARPENEN, PRESTAZIOEN ETA GERTAKIZUNEN ARAUBIDEA

9. art. PLANAREN FINANTZAKETA SISTEMA

Ekarpen definituko finantza kapitalizazio indibiduala izango da Baskepensiones Euribor Uztaila 2025 Gizarte Aurreikuspeneko Plan Indibidualaren sistema finantzarioa.

10. art. PLANARI EGIN BEHARREKO EKARPENAK

1. Bazkide arruntek egingo dizkiote ekarpenak Planari.
2. Ekarpunen zenbatekoa Bazkide arruntek zehaztuko dute, Atxikipen Buletinean, eta sarrera dagokion kontu korrontean egiten den eguna izango dute sarrerako balio-data (Kutxabank SAn zabaldua, BASKEPENSIONES BGAE INDIBIDUALAREN alde).
3. Ekarpunen ordainketa modu hauetan egingo da bakarrik:
 - Bazkidearen Gizarte Aurreikuspen Plan Indibidualari lotutako banku-kontuan edo indarreko arautegiaren arabera haren aldeko ekarpenak egin ditzaketen pertsonen kontuan eginiko zordunketa.
 - Banku-transferentzia Bazkidearen Gizarte Aurreikuspen Plan Indibidualaren kontura.
4. Beste BGAE baten Gizarte Aurreikuspen Planetako eskubide ekonomikoak Baskepensiones Euribor Uztaila 2025 Gizarte Aurreikuspeneko Plan Indibidual planera mobilizatzeak unean-unean indarrean dagoen araudiak ezarritakoa beteko du.

11. art. EKARPENAK ITZULTZEA

Ekarpenak kobratzeko administrazio-prozesuko akatsen ondorioz, ekarpenak gaizki zorduntzen direnean bazkide arrunten kontuetan, BASKEPENSIONES BGAE INDIBIDUALA erakundeak, bazkideek hala eskatuta, gaizki kobratutakoa izapidetuko du, baldin eta zerga-ekitaldi berean egiten bada.

12. art. INBERTSIOEN ARAUBIDEA

Erakundearen Estatutuekin bat etorriz, Planari atxikitako ondarea dagozkion segurtasun-, likidezia- eta errentagarritasun-irizpideen arabera inbertituko da, era honetako Erakundeei aplikatzeko moduko araudiak xedatutako moduan eta zenbatekoan, eta zehazki, Borondatezko Gizarte Aurreikuspeneko Erakundeen jarduera jakin batzuk egikaritzeko modua arautzen duen maiatzaren 29ko 92/2007 Dekretuaren 11. artikuluan xedatutako eran.

Baskepensiones Euribor Uztaila 2025 Gizarte Aurreikuspeneko Plan Indibidualari atxikitako ondarea inbertitzean, kontuan hartuko da beti aurreko paragrafoan ezarritakoa, Gobernu Batzordeak erabakiko dituen eta Inbertsio Printzipioen Adierazpenaren bidez Bazkide Arruntei eta Onuradunei jakinaraziko zaizkien mugen barnean.

13. art. PLANAREN PRESTAZIOAK

Planaren prestazioak (Araudi honen hurrengo artikuluan jasoak) Bazkide Arruntak edo Onuradunak prestazioen ordainketa-datan dituen eskubide ekonomikoen balioari dagozkie.

Ezingo dira eskubide ekonomikoak bahitu, harik eta dagokion prestazioa kobratzeko eskubidea emango duen gertakizuna jazo arte; eta ezingo da eskubide horietan kenkaririk, atxikipenik, lagapenik edo konpentsaziorik gauzatu, ezta ez ein kontraturen berme gisa erabili ere.

Gertakizuna jazotakoan, bahitura, oztopo judiziala edo administratiboa baldin badago, epaitegiak edo administrazio eskudunak erabakitakoa bete beharko da.

Heriotza kasuan, bahitura, oztopo judiziala edo administratiboa baldin badago, epaitegiak edo administrazio eskudunak erabakitakoa bete beharko da, onuradunei legezkiekeen hondarreko eskubide ekonomikoak jakinarazi aurretik.

14. art. PLANAK ESTALTZEN DITUEN GERTAKIZUNAK

Baskepensiones Euribor Uztaila 2025 Gizarte Aurreikuspeneko Plan Indibiduala integratzen duen BGAEk estaltzen dituen eta prestazioak ordaintzearen arrazoi diren gertakizunak hauek dira:

a) Erretiroa.

Erretiro-gertakizuna halakotzat joko da Bazkide Arruntak Gizarte Segurantzaren eta antzekoen araubidean oinarrituta edo eskumena duen organoaren arabera erretiroa hartzen duenean. Erretirotzat hartuko dira, halaber, erretiro aurreratua, malgua, partziala eta Gizarte Segurantzak onartzen dituen beste hainbat egoera baliokide.

Aurreko paragrafoan aipaturiko erretiroa ezin bada hartu, Erakundearen estatutuetan adierazitako adinean hartuko dela ulertzen da, inolaz ere ez 60 urte bete aurretik, baldin eta lan jarduerarik edo jarduera profesionalik egiten ez bada edo egiteari uzten bazaio, eta erretiro-gertakizunerako kotizatzen ari ez bada Gizarte Segurantzaren inolako araubidetan.

Erretiro partziala hartzen duten bazkideek erretiro osorako ekarpenak egin ahal izango dituzte, dagokion prestazioa jasotzen badaude ere.

b) Ezintasun iraunkorra edo lanerako baliaezintasuna, Gizarte Segurantzaren edo antzekoen edozein araubidetan ezarritakoaren edo eskumena duen organoaren arabera.

Ezintasun iraunkorra edo lanerako baliaezintasuna izan daiteke: ezintasun iraunkor partziala ohiko lanbiderako; osoa, ohiko lanbiderako; absolutua, era guztietako lanerako; eta baliaezintasun handia. Egoera horiek zehazteko, Gizarte Segurantzaren dagokion araubidea erabiliko da.

Bazkide arruntak ezin badu Gizarte Segurantzaren sistema publikoko lanerako ezintasunari dagokion inolako prestaziorik jaso, lanerako ezintasun-gertakizuntzat joko da, baldin eta ordaindutakoaren arabera ez diren pentsioei aplikagarria zaien araudiarekin bat etorrira, eskumena duten organo ofizialek edo Erakundeak balorazio-funtzio hori espezifikoki egozten dion organoak erabakitzen badute aipatutako araudian jasotako baremoen arabera % 33tik gorako ezgaitasun maila edo gaixotasun kronikoa duela.

c) Heriotza

Bazkide arruntaren heriotzak alarguntasun- edo zurtzasun-prestazioetarako eskubidea sor dezake, baita beste onuradun batzuen aldeko prestazioak ere. Onuradunak, dokumentu fede-emaielen bidez hala dela egiaztatzen duenean, aukera hauek izango ditu:

- Erakundearen Bazkide Arrunt gisa sartzea, dagozkion eskubideekin.
- Eskubide horiek Onuradunak adierazitako erakundera intsuldatzeko eskatzea, Araudi honetan aukera hori mugatua ez badago.

- Eskubideak eskuratzea, osorik edo partzialki, bazkide arruntaren heriotzagatiko prestazio gisa.

d) Mendekotasuna

Adinagatik, gaixotasunagatik edo ezgaitasunagatik, autonomia fisikoa, mentala, intelektuala edo sentsoriala galtzen dutenez, beste pertsonen etenik gabeko laguntza behar duten pertsonen egoera da; edo laguntza handiak behar dituzte, eguneroko oinarrizko zereginetarako, edota, ezgaitasun intelektuala edo gaixotasun mentala duten pertsonen kasuan, beste laguntza batzuk behar dituzte beren autonomia pertsonalerako. Gertakizun hau bat etorriko da mendekotasun larriarekin edo mendekotasun handiarekin, mendekotasunari buruz indarrean dagoen araudian ezarritakoarekin bat etorritik.

e) Iraupen luzeko langabezia

Lana galdu edo jarduera eten (langile autonomoen kasuan) duten pertsonak, baldintza hauek betetzen dituztenak:

- (i) Legez langabezia-egoeran egotea. Ondorio horietarako, lan-harremanaren edo harreman administratiboaren amaitze-kasuak hartuko dira aintzat, bai eta lan-kontratuaren etenak ere. Guztiak Gizarte Segurantzaren legedian aurreikusi bezalaxe.
- (ii) Ordaindutakoaren arabeko langabeziagatiko prestazioetarako eskubiderik ez izatea, edo hala badagokio, urtebetean kobratu izana, prestazioa aurretik amaitu den kasuetan izan ezik. Urtearen zenbaketa egiaztatu ahal izango da nahiz eta langabeziako 12 hilabeteak ez izan jarraian.
- (iii) Eskaera egitean enplegu publikoaren dagokion zerbitzuan enplegu-eskatzaille gisa izena emanda edukitzea.
- (iv) Aurretiaz Gizarte Segurantzaren araubidean integratuta egon diren eta orain jarduera etenda duten norberaren konturako langileen kasuan ere prestazioa jaso ahalko da, arestian aipatutako (ii) eta (iii) ataletan xedatutako baldintzak betetzen badira.
- (v) Prestazioa hilabeteko errenta moduan ordainduko da, non eta Bazkide Arruntak ez duen ordainketa bakarrean egiteko eskatzen, enplegua sustatzeko helburu zehatz batzuekin. Hilabeteko errenta baliokidea zehazteko, honako irizpide hauek aplikatuko dira:
 - Ordaindutakoaren arabeko langabeziagatiko prestazio publikoa jasoz gero, errenta baliokide maximoa ordaindutakoaren arabera jasotako prestazioaren parekoa izango da, hasierako zenbateko gordin berekoa.
 - Ordaindutakoaren arabeko prestazioan jasotako zenbatekoa murriztuz gero, murrizketa hori orekatu ahal izango da egindako murrizketaren gehieneko zenbateko bereko prestazio osagarri bat emanez.
 - Ordaindutakoaren arabeko prestaziorako eskubiderik izan ezean, sistema publikoan ordaindutako kotizazioak aintzat hartuta kalkulatu da gehieneko prestazio baliokidea, bai eta ordaindutakoaren arabeko prestazioa jasotzeko eskubidea izateko baldintzak betetzen direla aintzat hartuta ere.

f) Gaixotasun larria

Bazkide Arruntari bere ohiko jarduera edo zeregina gauzatzea gutxienez hiru hilabeteko denboraldi jarraituan galarazten dion zeinahi gaitz fisiko zein mental edo lesio, edo bazkidearen, ezkontidearen, izatezko bikotearen, lehen mailako aurreko ahaideen zein ondorengoen edo babesean zein harreran Bazkide Arruntarekin bizi den edo haren menpekota den pertsonaren kirurgia handiko esku-hartze klinikoa edo ospitaleko tratamendua eskatzen duen gaitza.

Aurreko kasuak gaixotasun larritzat joko dira, baldin eta Bazkide Arruntak ez badu horregatik baliaezintasun iraunkorragatiko ezein mailako prestaziorik jasotzen, Gizarte Segurantzaren araubidearen arabera, eta betiere,

bazkideak erabilgarri duen errentaren gutxitzea badakar, gastuak handitu direlako edo diru-sarrerak murriztu direlako, modu egokian egiaztatuta. Ondorio horietarako, gastuen aurrekontuak aurkeztu ahal izango dira.

Prestazio-eskaerak BASKEPENSIONES BGAE INDIBIDUALAri egingo zaizkio, idatziz, beharreko egiaztagiriekin batera.

15. art. PRESTAZIOAK ORDAINTZEKO MODALITATEA

1. 13. artikuluan aipatutako gertakizunak direla-eta bazkideek jaso behar dituzten prestazioak kapital moduan ordainduko dira, eta haien zenbatekoa izango da Bazkide Arruntak prestazioa ordaintzeko egunean dituen eskubide ekonomikoen balioaren berdina.

Iraupen luzeko langabeziagatik prestazioa hilabeteko errenta moduan ordainduko da, non eta Bazkide Arruntak ez duen ordainketa bakarrean egiteko eskatzen, enplegua sustatzeko helburu zehatz batzuekin.

Prestazioa gaixotasun larriagatik kapital gisa gauzatuko da eta ezingo du gainditu sortutako gastuen zenbatekoa edo sortutako diru-sarreraren minorazioa, gaixotasunaren ondorio gisa.

2. Bazkideak idatziz eskatu beharko du prestazioa.

3. Prestazioen ordainketa egiteko modu bakarra, kapitalean edo errentan, Bazkidearen edo Onuradunaren titulartasuneko banku-kontuan eginiko sarrera izango da.

16. art. PRESTAZIOAK ORDAINTZEKO PROZEDURA ETA AITORPENA

1. Prestazioa eragiten duen gertakizun bat jazotzean, prestazioa jaso nahi duen Bazkide Arruntak edo/eta Onuradunak horixe jakinaraziko dio BASKEPENSIONES BGAE INDIBIDUALAri, beharrezkoa den informazioa eta prestaziorako eskubidea duela egiaztatzen duen dokumentazioa gehituta.

2. BASKEPENSIONES BGAE INDIBIDUALA erakundeak dokumentazio hori aztertuko du, eta beharrezkoak iruditzen zaizkion datu guztiak eskatu ahal izango ditu.

3. Eskaera eta sinestamendu guztiak Entitatean aurkeztu eta bost egun balioduneko gehieneko epean ordainduko ditu BGAEk prestazioak. Gertakizuna Bazkide Arrunt baten heriotza bada, epe hori onuraduna nor izango den zehazten denean hasiko da.

4. Bazkideek edo Onuradunek egin nahi duten erreklamazio orotarako, BASKEPENSIONES BGAE INDIBIDUALA erakundeko Gobernu Batzordearengana edo bazkidearen defendatzailearengana joko dute. Hurrengo bilerako aztergaien zerrendan sartuko da erreklamazioa. Hartutako erabakia erreklamatzailerari jakinaraziko zaio.

IV. TITULUA

ADMINISTRAZIO GASTUAK

17. art. ADMINISTRAZIO GASTUAK

Planaren administrazio-gastuak araudi aplikagarrian ezarritakoren arabekoak izango dira. % 0,61koak izango dira, eta hari atxikitako ondarearen arabera kalkulatuko dira.

Ondorio horietarako, administrazio-gastutzat hartuko dira Aurreikuspen Planari atxikitako ondarearen administrazio-lanetan sortzen diren zuzeneko zein zeharkako gastu guztiak; balioen salerosketatik eratorritako bitartekaritza-gastuak, ordea, ez.

V. TITULUA

ARAUDIA ALDATZEA

18. art. ARAUDIA ALDATZEA

Araudi hau aldatu egin ahal izango da BGA Eren Gobernu Batzordeak proposatzen eta onartzen badu, eta ondoren, Eusko Jaurlaritzari aurkezten bazaio eta hark onartzen eta erregistratzen badu.

VI. TITULUA

GATAZKAK ETA ERREKLAMAZIOAK EBAZTEA

19. art. GATAZKAK ETA ERREKLAMAZIOAK

Bazkide Arruntak, Onuradunak edo pertsona eskubidedunek legez onartutako beren interes eta eskubideekin zerikusia duten kexak eta erreklamazioak aurkeztu ahal izango dituzte, idatziz, Gobernu Batzordean edo bazkidearen defendatzailearen aurrean, norberak aukeratuta.

Gobernu Batzordeak, hala badagokio, Erakundearen zuzendaritzaren esku utz dezake ebatzeko lana, edo hala badagokio, bertan zerbitzu profesionalak eskaintzen dituzten pertsona fisiko zein juridikoen esku.

Bazkidearen defendatzaileak gehienez ere 15 eguneko epean ebatziko ditu aurkezten dizkioten erreklamazio guztiak, berezkoa duen prozedura-araudiaren arabera. Eta defendatzailearen aldeko erabakiak lotesleak izango dira Erakundearentzat.

Bazkidearen edo gobernu-batzordearen defendatzailearen erabakia ez da oztopo izango erabateko tutoretza judizialerako eta ez administrazio-kontrolako eta -berrikuspeneko funtzioen erabilerarako.

Nolanahi ere den, kexa edo erreklamazioa Batzar Nagusian edo Gobernu Batzordean erabaki bat hartzeko arrazoi bada, Erakundearen estatutueta xedatutakoa aplikatuko da.

VII. TITULUA

PLANA IRAUNGITZEKO ARRAZIOIAK ETA ONDAREAREN ERABILERA

20. art. PLANA IRAUNGITZEA

Plana iraungi egingo da:

- a) Bazkide Arruntik eta Onuradunik ez dagoenean.
- b) Gobernu Batzordearen erabakiz, aldez aurreko baldintzak izanik gauzatutako prestazioen berme indibidualizatua eta Bazkide Arrunten eta Onuradunen eskubide ekonomikoen integrazioa Erakundearen edo beste BGAE baten beste Gizarte Aurreikuspeneko Plan batean. Gobernu Batzordearen erabakiak zehaztu egin beharko du Baskepensiones BGAEren Gizarte Aurreikuspeneko Planaren helmuga zehatza, eta horren berri emango die Bazkide Arruntei eta Onuradunei, bi hilabete lehenago gutxienez, egokitzen hartuz gero aukera izan dezaten beren eskubide ekonomikoak beste Aurreikuspen plan batera mobilizatzeko.